

Dilaksanakan selama
tujuh hari bermula 1
hingga 7 April ini

Oleh MOHAMMAD KHAIRIL
ASHRAF MOHD KHALID

SHAH ALAM

Kerajaan bersetuju
memberikan pe-
ngecualian bayaran
tol di Bangunan
Sultan Iskandar
(Tambak Johor)
dan Tanjung
Kupang (Lebuhraya
Linkedua) yang
menjadi lain an
Malaysia-Singapura
sempena pembukaan
semula sempadan 1
April ini.

Perdana Menteri,
Datuk Seri Ismail
Sabri Yaakob berkata,
pengecualian bayaran
tol di plaza-plaza tol Kompleks
Imigresen, Kastam, Kuarantin
dan Keselamatan (ICQS) di
kedua-dua pintu masuk sempa-
dan negara itu melibatkan semua
jenis kenderaan selama tujuh hari
sehingga 7 April ini.

“Ia adalah selaras dengan

pendekatan untuk memudahcara
perjalanan rentas sempadan de-
ngan Singapura.

“Pengecualian ini adalah un-
tuk rakyat Malaysia dan peng-
guna menambah nilai
atau memperbaharui
Touch and Go dan
Smart Tag,” katanya
dalam satu kenyataan
pada Rabu.

Tambahnya,
pemberian pe-
ngecualian bayaran
tol ini melibatkan
perjalanan masuk
dan keluar menerusi
kedua-dua plaza tol
yang terlibat sepanjang tempoh
tersebut.

“Keputusan ini turut meng-
ambil kira penutupan sempadan
Malaysia dan Singapura sejak
dua tahun lalu dan bagi memasti-
kan kelancaran lalu lintas di
kedua-dua plaza tol tersebut de-

ngan pembukaan sempadan la-
luhan darat ini.

“Pengecualian ini adalah
tambahan kepada pengecualian
Caj Jalan (CJ) yang dikenakan
kepada kenderaan persendirian
pendaftaran Singapura apabila
memasuki Malaysia melalui ter-
laluhan darat di kedua-dua lokasi.

“PLUS Malaysia Berhad
(PLUS) menganggarkan
sekurang-kurangnya 42,000
kenderaan akan memasuki
Malaysia menerusi Tambak Johor
dan Linkedua setiap hari,” jelas-
nya.

Menurutnya, keputusan pe-
lepasan tol ini akan memanfaat-
kan lebih 300,000 perjalanan
rentas sempadan
Malaysia-Singapura bagi pemilik-
pemilik kenderaan.

“Oleh itu, pihak PLUS de-
ngan kerjasama kerajaan Johor
serta kementerian dan agensi
yang berkaitan juga sedang giat
mengadakan persiapan terakhir



Pengecualian bayaran tol babit semua jenis kenderaan dari 1 hingga 7 April bagi
permudah perjalanan rentas sempadan dengan Singapura.

bagi memastikan perjalanan yang
lancar di lebuhraya bersempena
dengan pembukaan semula ini.

“Ia juga termasuk persiapan
di plaza-praza tol, kawasan-
kawasan rehat dan semua ke-
mudahan awam yang disediakan

di Lebuhraya PLUS,” ujarnya.

Ismail Sabri berkata, kerajaan
mengalu-alukan kepulangan rak-
yat Malaysia di Singapura dan
ketibaan rakyat Singapura ke
Malaysia dengan pembukaan se-
mula sempadan negara ini.